

БАТЛАН ДААЛТЫН ГЭРЭЭ

20.. оны ... сарын ...-ний өдөр

№

..... хот/аймаг

НЭГ. ЕРӨНХИЙ ЗҮЙЛ

Энэхүү **БАТЛАН ДААЛТЫН ГЭРЭЭ** (цаашид “Гэрээ” гэх)-г нэг талаас овогтой (РД:) (цаашид Үүрэг гүйцэтгүүлэгч гэх) нөгөө талаас овогтой (РД:) (цаашид Батлан даагч гэх) нар Монгол улсын Иргэний хуулийн 458-р зүйлийг үндэслэн дараах нөхцөлөөр харилцан тохиролцож байгуулав.

- 1.1. Энэхүү гэрээгээр Батлан даагч тал нь “Үүрэг гүйцэтгүүлэгч” болон “Үүрэг гүйцэтгэгч” нарын хооронд байгуулагдсан 20..оны..сарын..-ний өдрийн...тоот гэрээний дагуу Үүрэг гүйцэтгүүлэгчийн өмнө хүлээсэн үүргээ гүйцэтгэж чадна гэдгийг баталж, хэрэв гэрээний үүргээ зөрчсөн, үүргээ гүйцэтгээгүй тохиолдолд энэхүү гэрээгээр тохиролцсон хэмжээгээр үүрэг хүлээх гэрээний нөхцөлийг хүлээн зөвшөөрөв.
- 1.2. Батлан даалтын дээд хэмжээ.../тоогоор/.../үсгээр/ төгрөгийн үнийн дүн бүхий байна.
- 1.3. Үүргээ гүйцэтгэгч нас барсан тохиолдолд өвлөгч нь өвлөсөн хөрөнгийн хэмжээгээр үүргийн гүйцэтгэлийг хариуцах бөгөөд батлан даагч нь нөхөн төлөгдөөгүй хэсгээр хариуцлага хүлээнэ.
- 1.4. Батлан даагчийн хүлээсэн үүрэг нь үүрэг гүйцэтгэгчээс үүрэг гүйцэтгүүлэгчийн өмнө хүлээсэн үүрэгт хамаарна.
- 1.5. Үндсэн үүрэг хүчин төгөлдөр бус болсноор түүний гүйцэтгэлийг хангах тухай батлан даалтын гэрээ хүчин төгөлдөр бус болно.
- 1.6. Батлан даалтын гэрээг байгуулсны дараа үүрэг гүйцэтгэгчийн хийсэн хэлцлээс бий болох үр дагаврыг батлан даагч хариуцахгүй.
- 1.7. Талуудын гэрээнд заасан хаяг байршил, холбоо барих мэдээлэлд өөрчлөлт орсон тохиолдолд энэ тухай нөгөө талдаа 14 хоногийн дотор бичгээр мэдэгдэх ба ийнхүү мэдэгдээгүйн улмаас гэрээнд заасан хаягаар хүргүүлсэн аливаа мэдэгдэл, санал, хүсэлт, гомдол, нэхэмжлэл зэргийг хүлээн авсанд тооцож, эрх зүйн үр дагавар үүснэ.

ХОЁР. БАТЛАН ДААГЧИЙН ЭРХ, ҮҮРЭГ

- 2.1 Батлан даалтын гэрээгээр батлан даагч нь үүрэг гүйцэтгэгчийн өмнөөс нөхөх хариуцлага хүлээнэ.
- 2.2 Батлан даагч батлан даалтын гэрээнд заасан хэмжээгээр хариуцлага хүлээнэ.
- 2.3 Үүрэг гүйцэтгээгүйн хариуцлагыг батлан даагч үүрэг гүйцэтгэгчтэй хамтран хариуцахаар гэрээнд заасан бол үүрэг гүйцэтгэгч үүргээ хугацаанд нь гүйцэтгээгүй, эсхүл үүргээ гүйцэтгэж чадахгүй нь илт тодорхой байвал үүрэг гүйцэтгүүлэгч үүрэг гүйцэтгэхийг батлан даагчаас шаардах эрхтэй.
- 2.4 Үүрэг гүйцэтгүүлэгчээс батлан даагчид шаардлага гаргавал үүрэг гүйцэтгэгчээс үүрэг гүйцэтгүүлэгчийн эсрэг гаргаж болох бүх татгалзлыг батлан даагч гаргах эрхтэй.
- 2.5 Үүрэг гүйцэтгүүлэгчийн эсрэг гаргаж болох татгалзлаасаа үүрэг гүйцэтгэгч татгалзсан ч батлан даагч татгалзал гаргах эрхээ алдахгүй.
- 2.6 Батлан даагч нэг талын санаачилгаар батлан даалтын гэрээг цуцалсан бол ийнхүү цуцлахаас өмнө хүлээсэн үүргээ биелүүлэх үүрэгтэй.
- 2.7 Батлан даагч үүрэг гүйцэтгэсэн бол энэхүү үүргийн талаархи үүрэг гүйцэтгүүлэгчийн бүх эрх түүнд шилжих бөгөөд ийнхүү эрх шилжих нь батлан даалттай холбогдолгүй үүрэг гүйцэтгүүлэгчийн бусад эрхийг хөндөхгүй.

2.8 Үүрэг гүйцэтгэгч нь үүрэг гүйцэтгүүлэгчийн эрх батлан даагчид шилжих үед үүрэг гүйцэтгүүлэгчид гаргах байсан бүх татгалзлаа батлан даагчид гаргах эрхтэй.

ГУРАВ. ҮҮРЭГ ГҮЙЦЭТГҮҮЛЭГЧИЙН ЭРХ, ҮҮРЭГ

- 3.1 Үүрэг гүйцэтгэгч үүргээ хугацаанд нь биелүүлээгүй бол үүрэг гүйцэтгүүлэгч нь энэ тухай батлан даагчид мэдэгдэнэ.
- 3.2 Батлан даагч шаардсан бол үүрэг гүйцэтгүүлэгч үндсэн гэрээгээр үүрэг гүйцэтгэгчийн хүлээх үүргийн талаар түүнд үнэн зөв мэдээлэл өгөх үүрэгтэй.
- 3.3 Үүрэг гүйцэтгүүлэгч, энэ гэрээний 3.2-т заасан үүргээ биелүүлээгүй бол тэрээр үүрэг гүйцэтгээгүйн улмаас үүсэх хохирлын хэмжээгээр батлан даагчийн эсрэг шаардлага гаргах эрхээ алдана.
- 3.4 Үүрэг гүйцэтгээгүйн хариуцлагыг батлан даагч үүрэг гүйцэтгэгчтэй хамтран хариуцахаар гэрээнд заасан бол үүрэг гүйцэтгэгч үүргээ хугацаанд нь гүйцэтгээгүй, эсхүл үүргээ гүйцэтгэж чадахгүй нь илт тодорхой байвал үүрэг гүйцэтгүүлэгч үүрэг гүйцэтгэхийг батлан даагчаас шаардах эрхтэй.

ДӨРӨВ. МАРГААН ШИЙДВЭРЛЭХ

- 4.1 Энэхүү гэрээг хэрэгжүүлэх явцад гарах аливаа маргааныг үүрэг гүйцэтгүүлэгч болон үүрэг гүйцэтгэгч нар хэлэлцээр хийх замаар шийдвэрлэнэ.
- 4.2 Энэхүү гэрээтэй холбогдон гарах аливаа маргааныг талууд харилцан зөвшилцөх журмаар шийдвэрлэнэ. Харилцан зөвшилцөлд хүрээгүй тохиолдолд уг маргааныг Монгол Улсын хууль тогтоомжийн дагуу Монголын Улсын шүүх (эсхүл Монголын Олон Улсын Арбитр)-т хандаж шийдвэрлүүлнэ.

ГЭРЭЭ БАЙГУУЛСАН:

ҮҮРЭГ ГҮЙЦЭТГҮҮЛЭГЧ:

..... (.....)

Овог, нэр

гарын үсэг

Хаяг :

Утас:
(Тамга)

БАТЛАН ДААГЧ:

..... (.....)

Овог, нэр

гарын үсэг

Хаяг :

Утас:
(Тамга)